

SIARAN MEDIA

AFTER MONSOON PROJECT: GASTRONOMI LANGKASUKA ANGKAT WARISAN BUDAYA MAKANAN

8 OKTOBER 2023 – Kementerian Pelancongan, Seni dan Budaya (MOTAC) dan agensi Balai Seni Negara sentiasa menyokong aktiviti kesenian yang mengangkat warisan budaya tempatan sejajar dengan misi mempromosikan seni dan budaya Malaysia. Pameran After Monsoon 02: Gastronomi Langkasuka anjuran Varna Art Gallery dan Fiqir Event diadakan dengan hasrat untuk mengangkat warisan budaya makanan istimewa dari sejarah kehidupan orang Melayu Langkasuka serta memperkenalkan nilai sejarah setempat kepada generasi baharu.

Pameran berlangsung di Dewan Komuniti Tumpat dan Pantai Sri Mahkota (Pantai Ndo) Tumpat, Kelantan bermula 1 Oktober hingga 15 Oktober 2023. Majlis perasmian disempurnakan oleh YBrs. Encik Amerrudin Ahmad, Ketua Pengarah, Balai Seni Negara mewakili YBhg. Dato' Roslan Tan Sri Abdul Rahman, Ketua Setiausaha, Kementerian Pelancongan, Seni dan Budaya (MOTAC) pada 8 Oktober 2023 di Dewan Renjuna Tumpat, Kelantan. Turut hadir YBrs. Tuan Haji Rusydee Abdullah, Yang Dipertua, Majlis Daerah Tumpat.

Berbeza dengan siri pertama yang diadakan pada Januari lalu, pameran kali ini mengangkat subjek Gastronomi sebagai tema utama, di mana ianya merupakan subjek penting dan menarik dalam warisan budaya setempat. Pameran ini menampilkan 13 artis daripada pelbagai bidang dan juga daripada penggiat seni dari selatan Thailand, Patani Art Space.

Aktiviti utama program ini termasuk pameran seni, Bekwah Langkasuka, lumba perahu serta persembahan kebudayaan. 'Bekwah' diilhamkan daripada dialek Kelantan yang membawa maksud 'Kenduri'. Bekwah Langkasuka menyaksikan penglibatan seramai

300 peserta dengan matlamat untuk memperkenalkan dan mengangkat kehebatan kerajaan Melayu tua melalui makanan dan budaya.

Selain itu, sempena pameran yang diadakan ini, Balai Seni Negara turut mengambil peluang untuk mendekati komuniti setempat dengan mengadakan *Corporate Social Responsibility (CSR)* melalui aktiviti “Bela Gambo”. Aktiviti ini melibatkan preservasi dokumen-dokumen kenangan seperti sijil kelahiran, sijil perkahwinan, foto dan dokumen-dokumen peribadi yang lain.

Menerusi pameran dan aktiviti yang dijalankan ini, pengunjung dapat menikmati keindahan karya seni yang dipamerkan dan menghayati persembahan warisan budaya melalui gastronomi. Selain itu, pengunjung turut didedahkan dengan pengetahuan tentang komuniti dan budaya setempat, yang akan membantu meningkatkan ekonomi serta kesejahteraan masyarakat tempatan.

Pameran After Monsoon 02 dilihat menjadi salah satu usaha untuk mempromosi dan melestarikan Tumpat, Kelantan sebagai destinasi pelancongan budaya yang unik sekaligus mampu memberi impak positif dalam meningkatkan ekonomi pelancongan negara. Untuk maklumat lanjut, ikuti media sosial rasmi Balai Seni Negara atau layari laman sesawang www.artgallery.gov.my.

Dikeluarkan:

**Unit Komunikasi Korporat
BALAI SENI NEGARA, MALAYSIA**

No. 2 Jalan Temerloh, Off Jalan Tun Razak, 53200 Kuala Lumpur

Tel.: 03-40267000 Fax: 03-40244998

E: ukk@artgallery.gov.my W: www.artgallery.gov.my

Untuk pertanyaan, sila hubungi:

Balai Seni Negara:

Sarifah Abu Bakar Ebau

T: +60 16 494 7921

E: sarifah@artgallery.gov.my

Wan Nor Hidayah Wan Idris

T: +60 17 987 3303

E: hidayah@artgallery.gov.my